

二

瘍科心得集

善伯



傷科臨證心得集卷中血脈

表兄吳辰燦鶴山叅訂

錫山高秉鈞錦庭纂輯

觀海覆安校

辨失營馬刀生死不同論

夫失營馬刀一為不可治一為可治以患處部位相

同而形又相似故併而論之失營者由肝陽久鬱惱

怒不發營虧絡枯經道阻滯如樹木之失於榮華枝

枯皮焦故名也生於耳前後及項間初起形如栗子

失營 馬刀



頂突根收如虛痰癭瘤之狀按之石硬無情推之不

肯移動如釘着肌肉者是也不寒熱不覺痛漸漸加

大後遂隱隱疼痛着肌骨漸漸潰破但流血水無

膿漸漸口大內腐形似湖石凹進凸出斯時痛甚徹

心胸悶煩躁是精神不收氣不攝納也隨有瘡頭放

血如噴壺狀逾時而止體怯者即時而斃如氣強血

能來復者亦可復安若再放血則不能久矣亦有放三四次

而斃者余會見過此證為四絕之一難以治療若犯之者宜

戒七情適心志更以養血氣解鬱結之藥常常服之



庶可綿延歲月。否則促之命期已。其應用之方。如加
味逍遙散。歸脾湯。益氣養營湯。補中益氣湯。和營散。
堅丸等。酌而用之可也。馬刀由肝胆二經。鬱逆氣
火所結。亦生在頸項間。其形長而堅硬。按之有青甚
有連發纒纒。沿至脇下胸前者。亦惡證也。倘患者能
使情懷舒暢。調養得宜。治之以疎肝散邪和營軟堅。
則可於半載一年之內而獲全愈。設不能自愛。又或
境遇不齊。證則有增無減。綿延日久。瘡頭破爛。膿血
大潰。腫勢愈堅。遂成損怯。而斃者多矣。然究非若夫

營之不可治也。故合二證而論之，以明其生死不同。如此用藥與療癰同。



辨發背搭手陰陽虛實異證同治論

發背搭手之為瘍重矣其證各異而治則同揆也故

合而論之發背者發於脊中屬督脉及足太陽膀胱

經其證有上中下之分傷於肺則發於上在天柱骨

下傷於心與肝則發於中為對心發傷於脾與腎則

發於下為對臍發大抵發背之證其名雖多有蓮蓬

發對心發對臍發等名總不越乎陰陽二證其感於六淫之邪

而發者為陽證初起或一頭或二頭數日後或大如

手掌或大如碗面焮赤腫高疼痛發熱煩渴不寧勢



若甚重其脈洪數有力能進飲食先以蟾酥丸發汗
更與銀花解毒湯或犀角地黄湯清營解熱勿使傷
其脾胃俟膿一潰諸證悉安須知有膿時急宜當頭
開之否則使毒內攻致生變證至潰後卽腐爛尺餘
者若無惡證則投以大補之劑肉最易生此陽證易
治者也其感於七情而發者爲陰證或由於鬱怒憂
思或由於房勞過度或由於膏粱厚味醇酒炙燂丹
石熱毒其人平素陰精消涸火毒內生結聚釀成大
患初起一頭如粟根盤散漫不甚高腫不甚焮痛色

不紅活。紫滯無神。脉微細而無力。飲食不進。止覺悶
痛煩躁。大渴便秘。睡語咬牙。四五日間。瘡頭不計其
數。形如蓮蓬。故名蓮蓬發。又名蜂窠疽發。若見中間
一頭獨大。四邊出無數小頭者。卽名百鳥朝王瘡。口
各含黃濁。而積日不潰。按之流血。至八九日。其頭成
片。所含之物俱出。通結一衣揭去。又結其浮面共爛
爲一瘡肉。雖腐而不脫。其膿內攻。其色黑黯。此元氣
大虛。而爲內陷之證。必致神昏。瘳厥。手足逆冷。腹痛
泄瀉。而不可救矣。必於成功後。用參耆內托散。峻補

元氣冀其引血成膿化毒外泄外用烏金膏或奪命

丹蓋貼以提其毒俾不至腫不潰腐不爛方得生機

丹溪曰癰疽未潰以踈托解毒爲主已潰以托補元

氣爲主陳遠公謂陽毒可用攻毒陰毒必須補正此

數語實爲外科樞要慎勿坐失機宜致證危勢篤而

束手待斃也至於搭手亦有上中下之分上搭手

生於肩膊後骨上去背溝二指之間名鼠疽乃手足

太陰太陽之所司也中搭手生於脊骨第九椎兩旁

膏肓穴名青龍疽係陽明太陰之所司也下搭手生

於脊骨第十四節腰窩間旁開三寸盲門穴乃大陰
經之所司也謂之搭手者因患者以手搭之上中下
俱能搭着故名蓋上搭由上焦積熱中搭由心火有
餘下搭由肝脾火熾總歸於下元虛弱腎水耗散而
成此證亦有陰陽之別陽證形高而腫起陰證形低
而陷下陽證色紅陰證色帶滯陽證初起必痛陰證
初起必癢陽證潰爛多膿陰證潰爛多血陽證由於
外感陰證由於內傷其調治之法與發背之證大畧
可通雖曰證有大小勢有輕重而所以清熱化毒補

養氣血之方則無二致也。此二證中亦有三陷變象。與腦疽同。其候數亦同。又發背搭手及腦疽至潰膿腐脫後。新肉既滿而口不斂。有忽發流火者。其人憎寒壯熱。甚至神識昏迷。瘡口四邊紅赤。延開四布。切勿驚懼。斯時可用涼血清解。如鮮地、犀角、丹皮等。俟一日或二日後。汗出身涼。赤退腫平。其瘡口自然斂。小此由營衛虧損。火旺浮越所致。汗出而火自散。營衛自和。瘡口自斂矣。世俗覩此。每莫能措手。不知非敗證也。外又有流毒一證。疽發腫大。勢如發背。但頭



雖潰而外面不腐。因暑濕鬱遏而成。若膿出稠厚而內腐易脫者。易愈。治與陽證發背同。

又治發背搭手之證。最妙灸法。不問日期陰陽腫痛或不痛。或痛甚但未成膿。或不潰者。俱可灸之。取大蒜切片。安瘡頭上。用大艾炷灸之。三壯換一蒜片。痛者灸至不痛。不痛者灸至痛方止。其毒氣自然隨火而散。若有十數頭。作一處生者。卽用大蒜研成膏。作薄餅鋪瘡頭上。聚艾於蒜餅上燒之。亦可。蓋如此惡證。惟隔蒜灸及塗烏金膏有效。



Vertical columns of text, likely bleed-through from the reverse side of the page. The text is extremely faint and illegible.



南京中医药大学图书馆版权所有

辨胸發疽腫中疽甘疽論

胸發疽生於正胸堂去結喉三寸與心窩不遠乃手足六經交會之所其患最凶喪人性命宜速治之若三四日失治則皮開肉裂甚可畏也宜用牛黃熊膽研細香油調塗四邊弦上以免開花如痛甚用乳香沒藥爲末鋪粗紙上外以青布片捲好蘸清油點火在瘡四圍照之痛自止矣內服蟾酥丸活命飲以消散之若便秘脉實者卽與涼隔散通腑泄熱成功後托裏消毒潰則用八珍十全等補劑斂口

腫中疽

生心窩上兩乳中間屬任脉臆中穴蓋臆中爲氣之
海氣所居焉能分布陰陽若臟腑陰陽不和七情不
平則發此毒初亦服蟾酥丸活命飲若腫硬發熱作
嘔大便秘結煩躁飲冷舌乾口苦六脉沉實有力宜
服內疎黃連湯以內除之使邪氣不致傳變歸心則
吉飭如前證治法 甘疽生於乳上肉高聳處屬肺
經中府穴之下無論左右皆由憂思氣結而成治法
同上

辨肺痿肺癰論

人有久嗽後肺受損傷。皮膚黃瘦。毛悴色焦。咽嗑。唾
啞。寒熱往來自汗盜汗。氣喘不得卧。小便數而不渴。
口中有濁唾痰沫而無膿。寸口脉數而虛。濇者。此爲
肺痿。人有胸膈間作痛。咽乾。口燥而渴。喘急不得安
卧。咳嗽不止。吐痰便覺疼甚。按之更增氣急。痛不可
忍。四肢微腫。喉間聞腥臭之氣。隨吐膿血。胸前皮膚
甲錯。肉微起。其人能右睡而不能左卧。左卧卽喘急
不安。脉數而有力者。此爲肺癰。痿者萎也。如草木之

萎而不榮爲津亡而氣竭也。癰者壅也。肺氣鬱逆久壅而成也。蓋肺爲五臟華蓋，處於胸中，主於氣候於皮毛。凡勞傷血氣，腠理虛而風邪乘之內，感於肺則汗出惡風，欬嗽短氣，鼻塞項強，胸脇脹滿，久而不瘳，便成肺痿。又或汗下過多重亡津液，亦能致之。若其風中於衛，呼氣不入，熱逼於榮，吸氣不出，風傷皮毛，熱傷血脈，風熱相搏，氣血稽留，蘊結於肺，久則變爲肺癰。至如房慾不節，腎水虧而虛火上炎，又或醇酒炙燂，辛辣厚味薰蒸於肺，無不可成癰也。然痿爲正